

همش في دورك

همش في دوري
قلل في قلبك مساحة حضوري
لكن إوعى تنسى إني بطة حياتك
ما فيش أي كومبارس هيأدي دوري
تمادي براحتك.. وزود غروري
ولم في ضفاير كل اللي فات
وضحك قلوب جميع البنات
ولما هتنزف لوحدك آهات
هيبقى دا كل دواعي سروري
ياريتك تزود كمان في الهزار
تحب الليالي وتنسى النهار
وتقطع نتيجتك عشان انتظار
تقابل أميرة تقوم لك بدوري

فإن زاد ظلامك وطال البعاد
وزاد التهاك لحب البنات
ومالقيش نجمة تهز الثبات
ياريتك ما يربك ثباتك مروري
ياريتك تعدي وتدارى فيك
عشان شمسي ممكن تُضّر بعينيك
ساعتها لا يمكن هترضيني بيك
علشان خسوفك ما يجرحش نوري!